

Artista King Ginger:

“Mi no ta limita mi mes na un solo label, tin hopi cos cu mi por haci”

ORANJESTAD - Ken, ken, ken kier Ginger Tea? Recientemente e hoben Miguel Angel Thielman, kende nomber artistico ta “King Ginger” a lansa su prome single oficial titula “Ginger Tea” un tema cu por wordo considera un homenage na tur hende cu gusta redo.

Den entrevista aki e ta comparti cu Bon Dia Aruba e storia tras di su tema.


“Mi no ta limita mi mes na un label pasobra mi por haci hopi cos, mi por modela, mi por haci make-up, mi por actua, mi por rap, mi por haci comercialnan, comedia, mi por canta tambe, mi ta considera mi mes un triple threat” E hoben ta bisa. Den pasado, Bon Dia Aruba a entrevista Thielman tocante su bida como un hoben homosexual na Aruba. El a conta cu aunke nos sociedad ta un poco homophobico e no ta algo cu ta caus’e problema y e ta expresa su mes libremente.”Desde

tempo mi tin 15 aña mi ta lucha caba, mi tabata traha, mi a sacrifica mi scol, mi a wordo husga hopi, nan a saca mi di cas, pero esey a haci mi fuerte y awe mi ta humilde y hard-working” e hoben ta remarca

E comienso

Segun e hoben, tur e fanfaria y e grupo di fans cu e tin awo a cuminsa riba Snapchat.

“Mi tabata semper upload videonan pret y haya hopi comentario positivo. Mi tabata tin como 200 siguido so pero e tempo ey esey tabata suficiente pa mi. Un dia mi a traha un video tocante un tas y e video a bin ta caba riba e pagina di Curacao Jokes. Eynan, e video a hit 80 mil views riba un dia y miles di shares. Desde e momento ey, mi a cuminsa haya hopi siguido na Aruba, Curaçao y Boneiro. Tur caminda mi tabata bay hende tabata bisa “Ata Ginger, e guy di e video tas” Ta di remarca cu e hoben su video original di “Ginger Tea” a surpasa 100 mil views



riba Facebook caba y ta algun dia pasa el a upload esaki.

Peso social

E hoben ta conta cu el a cuminsa realisa cu su plataforma a cuminsa crece pasobra e tabata haci hopi livestreams y den momentonan e tabata yega miles di views. Pues aunke e ta haci comedia, musica y mas tambe e hoben ta papia di problemanan social, tanto di violencia domestico y termento specialmente den e comunidad homosexual riba e isla.

“Mi kier hobennan sa cu e ta okay pa ta diferente, specialmente den e comunidad di gays mi ta wak na ta bully hende hopi, esaki ta te hasta hiba nan na punto di suicidio tin ora. Hobennan mester sa cu nan ta liber pa expresa nan mes y na final di dia ta nan felicidad ta cos di mas importante. Mi ta spera di por inspira hende pa ta nan mes”. E hoben ta finalisa